

**ESTEVEVERIN (Jacques), notaire de Villemur, Répertoire des actes et testaments - minutes
1600, Archives départementales de la Haute-Garonne, cote 3E 21753, f°189 & ss.,
PH/JCHR/8029**

Testament de Jeanne Pendaries

Comme ainsin ny ayt homme qui ne
soict mortel ny qui puisse esviter le jugement de dieu
eternel pardevant lequel ung ch(ac)un est tenu de rendre
compte et entiere satisfaction de ses faultes et
offences et d()autant qu()il ny a rien plus certain
que la mort ny rien plus incertain que l()heure
d()icelle pour ce est il que ce jourd'huy **vingt neufvieme
du mois de juillet mil six cens à villemur** avant
midy dioceze de montauban et senechauce de th(ou)l(ou)se
regnant n(ot)re souverain prince henry par la grace
dieu roy de france et de navarre pardevant moy
not(air)e royal et presans les tesmoingz bas nommez
establis en sa personne **jeanne pendaries fem(m)e
de m(aîtr)e bernard cavalié chirurgien** dud(it) villemur
laquelle estant dans ung lict de sa ma(is)on a une
sal(l) devers la grand rue dettenue de certaine maladie
corporelle toutesfois par la grace de dieu bien
voyant oyant parlant et en ses bons sens et
parfaicte memoire a faict conduict et ordonné son
dernier testament nuncupatif et dernieré volenté
en la forme et maniere que s()ensuit / en premier

.....

Ciiij^{xx} x /

lieu a recommandé son ame a dieu le createur le priant
qu'aprez avoir faict la separa(ti)on de son corps la
vouloir recevoir en son royaume celesté et a voulu
que sond(it) corps soict ensepvely au cimetiere s(ain)t jean
dud(it) villemur sans aucune pompe funebre suivant
l()ordre de la religion chrestienne de()laquelle elle faict
proffession, si a dict et déclaré lad(ite) testatrice estre
redevable en plu(sieu)rs sommes de deniers envers certain
particulliers mesmes envers francoise nequé en la
som(m)e de quatre vingtz livres de()laquelle luy est obligé
par instrument lesquelles som(m)es veulz que oi(e)nt
payees et acquitees par ses h(eriti)ers bas nommes
ch(ac)un par moitié / et parce que el chef et fondement
de tout testament est l()instiu(ti)on hereditaire, partant
lad(ite) testatrice en tous et ch(ac)uns ses biens m(e)ubles
imm(e)ubles presans et advenir droictz voix noms
et actions a faicts et institues ses **heretiers universels
et g(ener)alz** et les a nommez de sa propre bouche
scavoir est **le susd(it) cavalié sond(it) mary et
melchior murat son filz** entr'euls a divizer par
esgales partz et portions a la charge que deux

boticques assizes a la porte s(ain)t jean par sond(it) mary

.....

acquizes et guerin santussans et marie prunette seront
comprinses et entreront au blot de lad(ite) heredité ensemble
le ma(is)on acquize des h(eriti)ers de nicolas esquié com(me)
ayant icelles esté payees de l()argent de lad(ite) testatrisse
neantmoingz veulz et entend que la donna(ti)on qu()elle avoit
faicte aud(it) cavalié lors du contract de leur mariage soit
de nulle vale(ur), lequel cavalié illec presant po(ur) vivre
en paix et esviter procez a l()advenir a dict et declaré
ne vouloir rien demander aud(it) melchior po(ur) ra(is)on de
la despance de bouche qu()il luy peult avoir administre
ensemble de sa *se(o)ur* (?) ny d()autres chozes qu()il pourroit
demander aud(it) murat /. et ce dessus lad(ite) testatrisse
a dict estre son dernier testament et derniere volonté
lequel veultz que vaille et soict valable par droit
de testament nuncupatif codicille ou donna(ti)on
(pour) cause de mort et par tout aut(r)e droict (u)stile et
coustume que pourra valoir cassant revocquant
et annullant tous autres testamans codicilles et
au(tr)es precedantes dispo(siti)ons le presant dem(e)urant
en son efficace et vertu si a priez les tesmoings
bas nommez qu()elle a recogneuz de ce dessus estre
memoratifz et a moy not(air)e soubz(sig)ne luy en retenir

.....

ciiij^{xx}xj

instrument / ce qu'ay fait presans hugues vaquie
cousturier paul vincens cordonnier anthoine timbal
anthoine rujol chaussatier jaque barrié jean darnes
cordonnier vieux anthoine canteloube boucher de
villemur habitans soubz(sig)ne ceulx qui scavent avec led(it)
cavalié lad(ite) testatrisse ne sca(ch)ant et je not(air)e

(Suivent les signatures)

Cavalier Vaquie (?) Darnes

Vincens cantolobe A. Rujol

Barrie Timbal

Esteverin no(taire)